



Inatsisartunut ilaasortaq
Ruth Heilmann
Siumut

Najugaq qimannagu inunnik isumaginnittunngorniarluni ilinniartitaaneq pillugu apeqquteqaatinut § 37 atorlugu akissuteqaatit

05. aug 2011
Sagsnr. 2011-053877
Dok. Nr. 698595

Asasara Ruth,

Postboks 1029
3900 Nuuk
Tlf: +299 34 50 00
Fax: +299 32 20 73
Email: killn@nanoq.gl
www.nanoq.gl

Inatsisartut suleriaasianni § 37-imut innersuussillutit tulliuuttunik Naalakkersuisunut apeqquteqar-simavutit:

1. Najugaq qimannagu inunnik isumaginnittunngorniarnermik ilinniagaqalerusullutik

qinnuteqartut ukiumut qassiusarpat?

a. Najugaq qimannagu ilinniartitaasarnerup ukiup aallartiffianiit kisitsisit takussutissiarineqarnissaat kissaatigaara

Akissut: Nuna tamakkerlugu Najugaq qimannagu inunnik isumaginnittunngorniarluni ukiumut ilinniagaqalersussanik tiguisoqartanngilaq. Maannakkorpiaq Nuummi, Sisimiuni aamma Ilulissani najugaq qimannagu inunnik isumaginnittunngorniarluni ilinniartitsisoqartarpoq, taakku kommunit pineqartut suleqatigalugit pilersinneqarsimasuupput. Ilinniartitsineq illoqarfinni taaneqartuni ingerlanneqartarpoq ilinniarnerlu ingerlaqqiffiusoq ukiunik pingasunik sivilissuseqarluni.

Inunnik isumaginnittunngorniarluni ilinniartitaanermut tiguneqarnissamik piumasaqaataapput ukiuni pingasuni GU-mik imaluunniit isumaginninnermi assistentit ilinniartitaanermi nutaamit ingerlatsisimanissaq. Najugaq qimannagut inunnik isumaginnittunngorniarluni ilinniarnernut ilinniartussat isumaginninnermi perorsaanerlu suliffeqarfinniit tiguneqartarput. Tiguneqarnis-samut piumasaqaataapput sivikinnerpaamik pineqartumi ukiuni pingasuni sulisimanissaq kiisalu tiguneqarnissamut misilitsinnermit toqqarneqarneq. Taamaasiortoqartarpoq nalinginnaasumik tiguneqarnissamut piumasaqaatit naammassiniarlugit aamma qulakkeerniarlugu, ilinniartut piuma-saqaatinut, killiffimmut kiisalu ilinniarnermi pitsaassutisimik qulakkeerninnissamut piginnaa-neqarnersut.

<i>Illoqarfik/ukioq</i>	<i>Qinnuteqartut</i>	<i>Tiguneqarnissamut misilitsereernermit tiguneqartut</i>	<i>Ilinniakkamik naammassinnissimasut</i>
Nuuk/2004	40	20	18
Nuuk/2007	45	24	21
Nuuk/2010	35	18	
Sisimiut/2008	48	20	19
Sisimiut/2011(Qeqqata)	75 (ullumikkut)	(august naappat misilitsitsisoqassaaq)	
Ilulissat/2008	42	20	18

2. Najugaq qimannagu inunnik isumaginnittunngorniarnermik ilinniagaqarusuttut qassit ukiumut inissaqartinneqarpat?

Akissut: Holdini ataatsini ilinniagaqartut 20-it missaat aallartittarput, tiguneqarnissamut misili-tsinnerniit qinnuteqartunik piginnaanilinnik nassaartoqarsinnaatillugu. Holdit ataatsit illoqarfinit pingasuusunit tamanit tiguneqartarput, kommunimit isumaqatigiissuortoqarsinnaatillugu.

3. Najugaq qimannagu inunnik isumaginnittunngorniarnermik ilinniagaqarusuttut 20-inik ilaneqassappata suut ilinniarfimmi avatangiisinut naammassineqareersimassap-pat?

Akissut: Naammassisaqartarneq qaffanneqassappat ininik ilinniartitsisunillu amerlanerusunik piumasaqaateqassaaq. Maannakkut pissusiusuni ilinniartut amerlassusaat qaffassallugit inissatigut- ilinniartitsisinnaanikkullu naammassisaqartoqarsinnaanngilaq. Ilanngullugu ukiuni siuliini holdinik amerlanerusunik pilersitsinissamut piginnaanilinnik naammattunik qinnuteqartoqartarsimanngilaq.

4. Najugaq qimannagu inunnik isumaginnittunngorniariusullutik qinnuteqartut ukiumut qassit itigartinneqartarpat?

a. Najugaq qimannagu ilinniarfitaasernerup ukiup aallartiffianiit itigartinneqarsimasunut kisitsisit takussutissiarineqarnissaat kissaatigaara

Akissut: Sermersooq Kommuniani Nuummi holdinut kingullernut ilinniagaqartussanik tigusermi tiguneqarnissamik misilitsinnermut qinnuteqartut 35-upput taakkunannga 18-it piginnaaneqarsi-masuullutik. Holdinut taakkununnga qinnuteqartut Nuummiit aamma Pamiuneersuupput.

Sisimiuni Ilulissanilu najugaq qimannagu inunnik isumaginnittunngorniarluni ilinniartitsinerit 2008-imi pilersinneqarput. Holdini, 2011-imi naammassisuni, sumiiffinni marluusuni qinnuteqartut 40-it missaanniipput, tiguneqarnissamik misilitsittut, tamatumalu kingorna illoqarfinni marluusuni tamani holdinik ataatsinik 20-inik ilinniartulinnik aallartitsisoqarluni.

5. Qinnuteqaraluarlutik itigartinneqartut suut peqqutigalugit itigartinneqartarpat?

Akissut: Qinnuteqartut, inunnik isumaginnittunngorniarluni ilinniartitaanermut tiguneqanngitsoor-tut, tunngavilersukkamik itigartinneqartarput, tiguneqarnissamik misilitsinneq tunngavigalugu naleqquttuunngitsutut. Soorlu oqaatigineqareersutut tiguneqarnissamut piumasaqaataapput pine-qartumi sivikinnerpaamik ukiuni pingasuni sulisimanis-saq kiisalu tiguneqarnissamik misilitsinner-miit toqqarneqarneq. Piumasaqaatit taakku eqquutsinniarneqartarput qulakkeerniarlugu, ilinniaga-qarusuttut piginnaaneqarnersut ilinniarnermik ingerlatsisinnaanissamut.

6. Qeqqata Kommuneani ilinniakkamik aallartitsiniarlutik utaqqisinneqartut 20-it missaaniittut Naalackersuisunit ilisimaneqarpa?

Akissut: Ukioq kingulleq apeqqutinik akisassanik Naalackersuisut misissuisitsipput, tassanilu ilisimaneqalerpoq, Maniitsumi Sisimiunilu amerlasuut soqutiginnittuusut najugaq qimannagu inunnik isumaginnittunngorniarluni ilinniartitaanermut. Taamaattumik kommunimit oqaloqatigin-ninnerit aallartinneqarput Maniitsumi najugaq qimannagu inunnik isumaginnittunngorniarluni ilinniartitaanermik aallartitsisinnaaneq pillugu.

7. Apeqqut Nr. 7-imi akissut ilisimaneqarpat, suut peqqutigalugit 20-it ilinniakkaminni aallartitserusuttut utaqqisinneqarpat?

Akissut: Najugaq qimannagu innunnik isumaginnittunngorniarluni ilinniartitaanerit aallartinne-qartarput tamatigut kommunit pineqartut suleqatigalugit, annertuumillu Maniitsumi Sisimiunilu soqutiginninneq tunngavigalugu Qeqqata Kommunianit ulloq 16. juni 2011 aalajangiunneqarsi-mavoq 2011-ip ukiaani holdinik nutaanik aallartitsisoqassasoq. Qinnuteqaateqartitsineq tiguneqar-nissamillu misilitsinneq ingerlanneqassapput augustip qaammataani naatsorsuutigineqarporlu ilinniarneq aallartinneqarsinnaassasoq oktober 2011-imi.

Apeqqutinnut najugarlu qimannagu inunnik isumaginnittunngorniarluni ilinniartitsinermut soqutiginninnut qutsavigaakkut. Inuiaqatigiinnit perorsaasut ilinniarsimasut atorfissaqartinneqarput, taamaattumillu Naalackersuisunit siunertarineqarpoq suliffinni assigiinngitsuni atorfinnik isumagin-nissinnaasunik ajornanngippat perorsaasunik ilinniarsimasunik naammattunik peqarnissaq. Taman-nali kommunit suleqatigalugit ingerlanneqartassaaq, aammalu ilinniagaqarsimanikkut inissatigullu piumasaqaatit naammassineqarsimassapput ilinniartitsinermi pitsaassuseq qulakkeerneqarsimas-sappat, holdinik nutaanik aallartitsisoqannginnerani.

Inussiarnersumik inuulluaqqusilluta



Palle Christiansen